

DRŽAVNE ŠKOLE OPŠTINE GWINNETT: INFORMACIJE O UPISU

Zone pohađanja nastave za Državne Škole Opštine Gwinnett (GCPS) određene su po teritorijalnim granicama, nazvanim skupine. Unutar svake skupine su tri do šest osnovnih škola, jedna ili dvije osmogodišnje škole i jedna srednja škola. Linije pohađanja nastave koje su unutar granica svake skupine odlučuju koju će osnovnu ili osmogodišnju školu u skupini učenik pohađati. Da biste saznali koju će školu vaše dijete pohađati, nazovite GCPS Odjel za Planiranje (Planning Department) na broj telefona (678) 301-7085.

Upis za sve one koji su nedavno doselili održava se tokom radnih dana cijele godine, u svim osnovnim, osmogodišnjim i srednjim školama. Molimo Vas nazovite lokalnu školu i zakažite sastanak.

U okviru državnog zakona, djeca u vrtiću i učenici prvih razreda koji se prvi put upisuju u državne škole Džordžije moraju biti pet godina stari na dan ili prije 1. Septembra da bi se upisali u vrtić, a šest godina na dan ili prije 1. Septembra da bi se upisali u prvi razred osnovne škole.

U svim državnim školama Džordžije procjenjuje se nivo znanja učenika dječijeg vrtića tokom godine da bi se odlučilo o njihovoj spremnosti za pohađanje prvog razreda. Roditelji učenika koje upisuju u prvi razred iz privatnih dječijih vrtića ili iz škola van države Džordžije trebaju nazvati lokalnu školu za informacije o upisu i procjeni.

Slijedeći dokumenti su potrebni za upis u školu:

- **Službeni dokument koji pruža dokaz o datumu rođenja.** (Zahtijeva se samo za djecu koja se upisuju u vrtić ili prvi razred.) Primjeri uključuju izvorni rodni list, ili službeni državni ili federalni obrazac sa datumom rođenja.
- **Svjedočanstvo iz škole/Bilješke o ponašanju.** (Samo razredi 7–12.) Prije upisa, učenici koji se premještaju u razrede 7-12 moraju pribaviti službenu kopiju školskog svjedočanstva i bilješke o ponašanju iz škole koju su prethodno pohađali, ili roditelj/staratelj mora opunomoćiti predaju svih dokumenata iz prijašnje škole.
- **Dokaz o pregledima vida, sluha, i zuba u okviru godine dana od upisa.** Ova informacija mora biti na formularu “Georgia Form #3300”, koji je dostupan kod većine doktora i zubara u državi Džordžija. Pisma od zdravstvenih službenika i potvrde iz drugih država dopuštene su ukoliko su izvršene unutar 12 mjeseci od upisa. Ovi pregledi su dostupni u odjelima za zdravlje države Džordžije uz novčanu nadoknadu. Može se naplatiti simbolična naknada za prepisivanje informacija na državni formular.
- **Potvrda o imunizaciji u državi Džordžiji.** Svi učenici koji se prvi put upisuju u školu države Džordžije, uključujući one koji se sele iz druge države, moraju imati formular “Georgia Form #3231” (Potvrda o Imunizaciji Odjela za Ljudske Potencijale Države Džordžije; Georgia Department of Human Resources Certificate of Immunization) da bi pokazali dokaz o potrebnim imunizacijama. Formular #3231 dostupan je samo od strane ovlaštenih zdravstvenih službenika Džordžije i od odjela za zdravlje. Potvrde o imunizaciji Vaseg djeteta odnesite doktoru u odjel za zdravlje, gdje će Vam popuniti formular. Novčana nadoknada može se naplatiti za prepisivanje informacija. Mogu se naplatiti troškovi vakcinacije ako je potrebna dodatna imunizacija. Vakcine koje se zahtijevaju uključuju Hepatitis B, DPT, Polio, HIB, dva MMR vakcine i Chicken Pox vakcina/dokaz o bolesti. Važeći formular 3231 mora biti naznačen u odgovarajućem kvadratiću ili sa: “Complete for School Attendance” (“Kompletirano za Pohađanje Nastave”) ili “Date of Expiration” (“Datum Isteka Vrijednosti”). Po državnom zakonu, važeći formular za imunizaciju ili oslobođenje od imunizacije (radi medicinskih ili vjerskih razloga) zahtijeva se za upis. Od Vaše lokalne škole možete zatražiti formu za “Oslobođenje od imunizacije”.
- **Dokaz o prebivalištu u zoni pohađanja nastave.** Primjeri uključuju nezavisan ugovor o prodaji kuće, najmu ili drugi ugovor. Najam ili ugovor moraju biti priloženi uz bar jedan račun za komunalne troškove (struju, vodu, plin) sa istom adresom. Ugovor koji zavisi o drugim uslovima nije prihvatljiv. Ako živite sa prijateljem ili članom obitelji i trebate informacije o načinima dokazivanja Vašeg prebivališta nazovite lokalnu školu za dodatne informacije.
- **Dokaz o pravu odgoja/starateljstva.** Pismo o Starateljstvu potrebno je za upis ako odrasla osoba koja upisuje dijete nije biološki roditelj. Da biste saznali više, javite se Sudu Opštine Gwinnett (Gwinnett County Probate Court) na broj telefona (770) 822-8265.
- **Djetetov broj socijalnog osiguranja.** Državni zakon zahtijeva da škole pitaju za ovaj broj tokom upisa. Učenici će se moći upisati, čak i ako ovaj broj nije priložen. No, roditelj će biti zamoljen da potpiše formular u kojem odbija dati taj broj.
- **Identifikaciju sa fotografijom.** Škola može zatražiti identifikaciju sa fotografijom od odrasle osobe koja upisuje dijete u školu.

Gwinnett County Public Schools

437 Old Peachtree Road, N.W. • Suwanee, GA 30024-2978 • www.gwinnett.k12.ga.us